

全上古三代秦漢三國六朝文

〔清〕嚴可均輯

全上古三代秦漢三國六朝文

五

上海古籍出版社

圖書在版編目(CIP)數據

全上古三代秦漢三國六朝文/(清)嚴可均輯. —上海:
上海古籍出版社, 2009. 6

ISBN 978-7-5325-5328-0

I. 全… II. 嚴… III. 古籍—匯編—中國 IV. Z422

中國版本圖書館 CIP 數據核字(2009)第 044259 號

ISBN 978-7-5325-5328-0



全上古三代秦漢三國六朝文

[清]嚴可均 輯

上海世紀出版股份有限公司 出版、發行
上海古籍出版社

(上海瑞金二路 272 號 郵政編碼 200020)

(1) 網址: www.guji.com.cn

(2) E-mail: guji@guji.com.cn

(3) 易文網網址: www.ewen.cc

張華書屋上海發行所發行經銷 上海展強印刷有限公司印刷

開本 787 × 1092 1/16 印張 259.75 插頁 24

2009 年 6 月第 1 版 2009 年 6 月第 1 次印刷

印數: 1—600

ISBN 978-7-5325-5328-0

K · 1200 定價: 580.00 元

如有質量問題,請與承印公司聯繫

據民國十九年影印清光緒二
十年黃岡王氏刻本影印原書版
框高一五〇毫米寬二一〇毫米

全上古三代秦漢三國六朝文五

〔清〕嚴可均輯

總目

第一冊

全上古三代文十六卷 全秦文一卷 全漢文六十三卷 全後漢文卷一至卷四十

第二冊

全後漢文卷四十一至卷一百零六 全三國文卷一至卷六十六

第三冊

全三國文卷六十七至卷七十五 全晉文卷一至卷一百十五

第四册

全晉文卷一百十六至卷一百六十七 全宋文六十四卷 全齊文卷一至卷六

第五册

全齊文卷七至卷二十六 全梁文七十四卷 全陳文十八卷 全後魏文卷一至卷五

第六册

全後魏文卷六至卷六十 全北齊文十卷 全後周文二十四卷 全隋文三十六卷

先唐文一卷

竟陵王子良

子良字雲英武帝第二子昇明中校監朔將軍恩烈侯陵王左軍參軍轉主簿安南記室參軍遷安南長史再遷輔國將軍會稽太守高帝受禪封開喜縣公尋為征虜將軍丹楊尹武帝即位封竟陵郡王恩鎮北將軍南徐州刺史徙侍中征北將軍南兗州刺史入為護軍將軍兼司徒進號車騎將軍正司徒領尚書令徙揚州刺史加中書監鬱林王即位進太傅督南徐州冀謫文宣王有集四十卷

梧桐賦

植梧桐於廣園嗟倏忽而成林依層楹而吐秀臨平臺而結陰乃拙葉於露始亦結實於星沈望輕條而麗景涵清風而散音發雅

全齊文卷七

竟陵王子良

詠於悠昔流素賞之在今必鸞鳳而後集何燕雀之能臨匪伊楚宮側豈獨嶧山岑遶蒿萊之難儷永配道於仙琴初學記二十八請停臺使檢課表

前臺使督通切調恆聞相望於道及臣至郡亦殊不疎凡此輩使人既非詳慎勤順或貪險崎嶇要求此役朝辭禁門情馳即異暮宿村縣威福便行但令朱鼓裁完鉞槩微具顧眄左右叱咤自專隨宗斷族排輕斥重脅過津隸恐喝傳郵破岡水逆商旅半引逼令到下先過已船浙江風猛公私畏渡脫舫在前驅令俱發呵賊行民固其常理侮折守宰出變無窮既瞻郭望境便飛下嚴符但稱行臺未顯所督先訶疆寺卻攝羣曹開亭正儵便振荆革其次絳標寸紙一日數至徵村切里俄刻十催四鄉所召莫辯枉直孩老士庶具令付獄或尺布之通曲以當匹百錢餘稅且增為千或誑應質作尙友寄繫東冶萬姓駭迫人不自固遂漂衣敗力競致

兼漿值今夕酒諧肉飲卽許附中赦格明日禮輕貨薄便復不入恩科筐篋微闕垂慈肆情風塵毀諒隨忿而發及其徒轉轉驚栗漸盈遠則分謫他境近則託買吏民反請郡邑助民由緩回刺言臺推信在所如聞頃者令長守牧離此每實非復近歲愚謂凡諸檢課宜停遣使密畿州郡則指賜敕還外鎮宰明下條源既各奉別旨人競自罄雖復臺使盈湊會取正屬所徒相疑債反更淹懈凡預衣冠荷恩盛世多旨閣緩貽謗少為欺猾入罪若類百宰牧乖政則觸事難委不容課通上綱偏覺非才但賒促差降各限一期如乃事速應緩自依違糾坐之坐之科不必須重但令必行期在可肅且兩裝之船充擬千緒三坊寡役呼訂萬計每一事之發彌展方辦粗計近遠率遣一部職散人領無減二十舟船所資皆復稱是長江萬里費固倍之較略一年脫得省者息船優役實為不少兼折姦滅竊遠近暫安南齊書竟陵王子良傳又略見通典四

全齊文卷七

竟陵王子良

脩治塘堰表

京尹雖居都邑而境壤兼跨廣袤周輪幾將千里繁原地隰其處甚多舊遺古塘非唯一所而民食業廢地利久蕪近啟遣五官殷綱典籤劉僧瓌到諸縣循履得丹陽溧陽永世等四縣解並村者辭列堪墾之田合計荒熟有八千五百五十四頃脩治塘堰可用十一萬八千餘夫一春就功便可成立南齊書竟陵王子良傳

上讜言表

臣聞明臺既闢承雲之歌闢衛室爰啟南風之頌流莫非降道燭輝紆靈浸澤陛下凝慶協圖席昌屬祿乾臨冬峻海鏡春亭選議鈞俗觀風調紀垂聽革之典降聆金之訓用能詩史無輟工頌有聞是故置四輔立七諫正國度箴王闕臣謂當今宜崇諫司專事昭塞職路謬謬續宣王文則優其寵秩厚其節禮庶獻露之美方高聖代至乃靡衣餼食曾宇雕墉商貨浮侈田萊蕪替極僕爽流

標梅失序。勉民觀俗之宜。設官立事之要。隨闕興規。衮廢能補。如此。則壞詠無遺。報樂可追。藝文類聚卷二十四

錢法表

頃錢貴物賤。殆欲兼倍。凡在綱類。莫不如茲。稼穡艱劬。斛直數十。橫杆勤苦。正纔三百。所以然者。實亦有由。年常歲調。既有定期。億郵所上。咸是見直。東關錢多。竊鑿鮮復完者。公家所受。必須圓大。以兩代一。困於無所。報筆實繁。益致無聊。通典卷九

陳時政密啟

臣思水潦成患。良田沃壤。變為汗澤。農政告祥。因高肆務。播植既周。繼以旱虐。黔庶呼嗟。相視襁負。夫國資於民。民資於食。匪食匪民。何以能政。臣每一念此。寢不使席。本始中郡。國大旱。宣帝下詔。除民租。今聞所在。逋餘尚多。守宰嚴期。兼夜課切。新稅力尙無從。故調於何取。給政當相驅為盜耳。愚謂逋租。宜皆原除。少降停恩。

全齊文卷七

漢書王子良

三

徵紆民命。自宋道無章。王風陵替。竊官假號。駢門連室。今左民所檢。動以萬數。漸漬之來。非復始適。一朝洗正。理致沸騰。小人之心。罔思前恩。董之目威。反怨後罰。獸窮則觸。事在匪輕。齊有天下。日淺。恩洽未布一方。或飢當加優養。愚謂自可依源剷除。未宜便充。累役且部曹檢校。誠存精密。令吏奸黠。鮮不容情。情既有私。理或枉謬。耳目可限。羣狡無極。變易是非。居然可見。詳而後取。於事未遑。明詔深矜。獄圖恩文。累墜。今科網嚴重。稱為峻察。負罪離營。充積牢戶。暑時鬱蒸。加以金鐵聚憂之氣。足感天和。民之多恐。非國福矣。頃土木之務。甚為殷廣。雖役未及民。勤費已積。災早致災。或由於此。皇明載遠。書軌未一。緣淮帶江。數州地耳。以魏方漢猶一郡之譬。以今比古。復為遠矣。何得不愛其民。緩其政。救其危。存其命。湘區與密。蠻寇熾囂。如聞南師。未能挫戮。百姓齊民。積年塗炭。殖食侵淫。邊虞方重。交州負絕。一垂。賈惟荒服。恃遠後賓。固亦恆

事。自青德放運。款關受職。置之度外。不足絀言。今縣軍遠伐。經途萬里。眾寡事殊。客主勢異。以逸待勞。全勝難必。又緣道調兵。以足軍力。民丁烏合。事乖習銳。廣州積歲無年。越州兵糧素乏。加以發借。必致推擾。愚謂叔獻所請。不宜聽從。取亂侮亡。更俟後會。雖歲月必有可禽之理。差息發動費役之勞。劉楨見甲以助湘中。威力既舉。羣寇自服。南齊書劉楨

又啟

臣一月入朝。六登文陛。廣股潤人。裁奉顏色。縱有所懷。豈敢自建。比天旨亟見。地孽亟臻。民下妖訛。好生嗜殺。穀價難和。比至飢饉。練雖難賤。駢門驟質。臣一念此。每入心骨。三吳與區。地惟河輔。百度所資。罕不自出。宜在蠲優。使其全富。而守宰相繼。務在良冠。罔桑品屋。以准貲課。致令斬樹發瓦。以充重賦。破民財產。要利一時。東郡使民。年無常限。在所相承。准令上直。每至州臺使命。切求懸

全齊文卷七

漢書王子良

四

急。應充狼役。必由窮困。乃有畏失。嚴期自殘。軀命亦有斬絕。手足以避徭役。生有弗起。殆為恆事。守長不務先富民。而唯言益國。豈有民貧於下。而國富於上。又泉鑄歲遠。類多翦鑿。江東大錢。十不一在。公家所受。必須輪郭完全。遂買本一千。加子七百。猶求請無地。據革相驅。尋完者為用。既不兼兩。回復還買。會非委積。徒令小民每嬰困苦。且錢帛相半。為制永久。或聞長宰。須令輸直。進還舊料。退容姦利。八屬近縣。既在京畿。發借徵調。是煩他邑。民特尤貧。連年失稔。草衣糲食。稍有流亡。今農政就興。宜蒙廉給。若遺課未上。許以申原。究豫二藩。雖曰舊鎮。往屬兵虞。異乘鄉土。密邇宸庭。下無安志。編草結菴。不遑涼晷。扶推聚落。靡有生向。俱棄人雲。獨絕溫飽。而賦斂多少。向均沃質。謂凡在荒民。應加蠲減。又司市之要。自昔所難。頃來此役。不由才舉。並條其重貲。許以賈術。前人增估。求使後人加稅。請代如此。輪回。終何紀極。兼復交關津要。共

相行幽惡野未開必加設罪無大小橫沒貲載凡求試穀帛類非廉謹未解在事所以開容夫獄訟惟平畫一在制雖恩家得罪必宜申憲鼎姓貽譽最合從網若罰典惟加賤下辟書必調世族懼非先王立禮之本尙書列曹上應乾象如聞命議所出先諮於都都既下意然後付郎謹寫關行愚謂郎官尤宜推擇宋運告終戎車屢駕寄名軍牒動竊數等故非分充朝資奉殷積廣越邦宰梁益郡邑參差調補實允事機且此徒冗雜罕遵王憲嚴加廉視隨違彈斥一二年間可減大半南齊書竟陵王子良傳又略見南史四十四通典五

又啟
伏尋三吳內地國之關輔百度所資民庶彫流日有困殆蠶農罕復饑寒尤甚富者稍增其饒貧者轉鍾其弊可爲痛心難以辭盡頃錢貴物賤殆欲兼倍凡在觸類莫不如茲稼穡難劬斛直數倍今機杼勤苦匹裁三百所以然者實亦有由年常歲調既有定期

全齊文卷七

竟陵王良

五

值卹所上咸是見直民間錢多窮蹙鮮復完者公家所受必須買大以兩代一困於所質鞭撻質繫益致無聊臣忝忝會稽租閑物俗塘丁所上本不入官良由陂湖宜壅橋路須通均夫訂直民自爲用若甲分毀壞則年一脩改若乙限堅完則終歲無役今郡通課此直悉以還臺租賦之外更生一調致令塘路崩蕪湖源泄散害民損政實此爲劇建元初役房游魂軍用殷廣浙東五郡丁稅一千乃有質賣妻兒以充此限道路愁窮不可聞見所通尙多收上事絕臣登具啟聞卽蒙蠲原而此年租課三分通一明知徒足擾民實自弊國愚謂塘丁一條宜還復舊在所通卹優量原除凡應用錢不限大小仍令在所折市布帛若民有雜物是軍國所須者聽隨價準直不必一應送錢於公不虧其用在私實荷其登昔晉氏初遷江左草創絹布所直十倍於今賦調多少因時增減永初中官布一匹直錢一千而民間所輸聽爲九百漸及元嘉物價

轉賤私貨則東直六千通典作四官受則匹准五百所以每欲優民必爲降落今人官好布匹堪百餘其四民所送猶依舊制昔爲損上今爲刻下氓庶空儉豈不由之救民拯弊莫敢減賦時和歲稔尙爾虛乏僅值水旱寧可熟念且西京熾強實基三輔東都全固實賴三河歷代所同古今一揆石頭以外裁足自供府州方山呂東深關朝廷根本夫股肱要重不可不卹宜蒙寬政少加優養略其目前小利取其長久大益無患民貲不殷國財不阜也宗臣重寄咸云利國竊如愚管未見可安南齊書王敬則傳又見通典五又十一

車制啟
臣聞軍旗有章載自前史器必依禮服無舛法凡蓋員象天軫方法地上無一天之儀下設兩蓋之飾求之志錄恐爲乖衷又假爲麟首加乎馬頭事不師古鮮或可施南齊書輿服志永明初加玉以馬首戴之竟陵王子良啟又見通典六十四

全齊文卷七

竟陵王良

六

諫射雉啟
鑾輿亟動天蹕屢巡陵犯風煙驅馳野澤萬乘至重一羽甚微從甚微之權忽至重之誠頃郊郭以外科禁嚴重匪直芻牧事罷遂乃窺掩殆廢且田月向登桑時告至士女呼嗟易生譁議棄民從欲理未可安曩時巡幸必盡威防領軍景先瞻事未兇聖甲利兵左右屯衛今馳驚外野交待疎闊晨出晚還頓遺清道此實愚臣最所震迫牧虜玩威甫獲款關二漢全富猶加曲待如聞使臣頻亦怨望前會東宮遂形言色昔宋氏遣使舊列階下劉縉銜使始登朝殿今既反命宜賜優禮愚謂中堂雲構實惟峻絕檐陛深嚴事隔涼暑而別爲一室如或有疑邊帶廣途詭言孔熾設立之易過於轉圜若依舊制通微實允親臨頃市司驅扇租估過刻吹毛求瑕廉察相繼被以小罪責以重備愚謂宜救有司更詳優格臣年方朝賢齒未相及以管窺天猶知失得廡廟之士豈聞是非未

問一人問一說爲陛下愛國家非但而從亦畏威耳臣若不啟陛下於何間之南齊書竟陵王子良傳

又諫射雉啟

忽聞外議伏承當更射雉臣下情震越心懷憂悚猶謂疑妄事不必然伏度陛下以信心明照所以傾金寶於禪靈仁愛廣洽得使禽魚養命於江澤豈惟國慶民權乃以翺翔治樂大衛生保命人獸不殊重軀愛體彼我無異故禮云聞其聲不食其肉見其生不忍其死且萬乘之尊降同匹夫之樂天殺無辜傷仁害福之本菩薩不殺壽命得長施物安樂自無恐怖不惱眾生身無患苦臣見功德有此果報所以日夜勸勒厲身奉法實願聖功康豫若此每至寢夢脫有異見不覺身心立就焦爛陛下常日捨財修福臣私心顯顯尚恨其少豈可今日見此事一損福業追悔便難臣此啟聞私心實切若是大事不可易改亦願陛下照臣此誠曲垂三思

全齊文卷七

竟陵王子良

七

況此嬉遊之閑非關當否而動輒傷生實可深憤臣聞子孝奉君臣忠事主莫不靈祇通感微辟證登臣近段仰啟賜希受戒天心洞遠誠未達勝善之途而聖恩遲疑尚未垂履曲降尊極豈可今月復隨此事臣不隱心即實上啟南齊書竟陵王子良傳

請加贈豫章王嶷啟

臣聞春秋所以稱王母弟者已尊其所重故也是以禮秩殊品爵命崇異在漢則梁王備出警入蹕之儀在晉則齊王具殊服九命之贈江左以來尊親是闕故致袞章之典廢而不傳實由人缺其位非禮虧省齊王故事與今不殊締構王業功迹不異凡有變革隨時之宜者政緣恩情有輕重德義有厚薄若事籌前規禮無異則且梁齊闕令終之美猶饗褒贈之榮況故大司馬仁和著於天性孝悌終於立身節義表於勤王寬猛彰於御物奉上無艱劬之貌接下無毀傷之容淡矣止於清貞無喜愠之色悠然栖於靜默

絕馳競之聲詩云靡不有初鮮克有終大終之者理實爲難在於今行無廢斯德東平樂於小善河間悅於詩書勳績無間艱危不涉尚致卓爾不羣英聲萬代況今協贊皇基經綸霸始功業高顯清與逾彰富貴隆重廉潔彌峻等古形今孰類茲美臣愚忖度未有所例凡庶族同氣愛睦尚少豈有仰觀陛下垂友于之性若此者乎共起布衣俱登天貴生平遊處何事不同分甘均味何珍不辱未嘗觀貌而天心不權見形而聖儀不悅及臨危捨命親瞻喘息萬分之際沒在聖目號哭動乎天地感慟驚平鬼神乃至椒膳移寢坐泣遷旦神儀損耗隔宿改容奉瞻聖顏誰不悲悼歷古所未聞記籍所不載既有若斯之大德而典服之贈不彰如其脫致虧忘追改爲煩不令千載之下物有遺恨其德不具美者尚荷嘉隆之命況事光先烈者蓋可缺茲盛典臣恐有識之人容致其議且庶族近代桓溫庾亮之類亦降殊命伏度天心已當有在南齊書

全齊文卷七

竟陵王子良

八

書豫章王嶷傳

王嶷傳

此乃是長史美事恐朝廷有常典不得如長史所懷南齊書張欣時爲諸暨令坐罪當死嶷啟竟陵王子良乞代欣時死子良答

答顧憲之

非君無以聞此德音梁書顧憲之傳竟陵王於宣城圍城定陵三縣界立屯封山澤數百里黎民樵采盡之固

與安陸侯綏書

竊承下風數十年來姑蘇未有此政南史四十一又南齊書安陸侯綏承下風數十年來姑蘇未有此政王嶷傳綏爲吳郡太守大考

若王僧虔書

辱告並五紙舉體精雋靈奧執玩反覆不能釋手雖太傅之婉媚玩好領軍之靜退蒼緒方之蔑如也昔杜度殺字甚安而筆體微

瘦崔瑗筆勢甚快而結字小疎君處二者之間亦猶仲尼方於季孟也夫工欲善其事必先利其器伯喈非流執體素不安下筆若子邑之紙妍妙輝光仲將之墨一點如漆伯英之筆窮神盡妙物遠矣邈不可追遂令思挫於弱毫數屈於陋墨言之使人於邑若三珍尚存四寶斯覩何但尺素信札動見模式將一字徑又方寸千言也張彥遠法書要錄載此與王僧虔論書混爲一篇張僧虔書今據編入竟陵王集中

與孔中丞稚珪書

覽君書具一二每患浮言之妨正道激烈之傷純和亦已久矣孟子有云君王無好智君王無好勇勇智之過生乎患禍所遵正當仁義爲本今因修釋訓始見斯行之所發誓念履行欲卑高同其美且取解脫之喻不得不小失存其大至於形外之閒自不足及言真俗之教其致一耳取之者未達故橫起異同君云積業栖信

全齊文卷七

竟陵王子良

九

便是言行相舛豈有奉親一敬而云大孝末之前聞夫仁人之行非是殘害加其美廉潔之操不藉貪竊成其德如此則三歸五戒豈得一念而可捨十善八正豈暫想之可遺未見輕其本而能重其末所謂本既傾矣而後枝葉從之今云二途雖異何得相順此言故足見其淺近之談耳君非不覩經律所辨何爲偏志一方埋沒通路夫士未嘗離俗施訓卽世之教可以知之若云斯法空成詭妄更增疑惑應當毀滅就卽因而言閨門孝悌者連鄉接黨竟有幾人今可得以無其多結諸訓詰經史箴誠悉可焚之不君今遲疑於內教亦復與此何殊哉所以歸心勝法者本不以禮敬標其心兢仰祇崇者不以在我故忘物今之懲勸克己者政爲君輩之徒耳欲令相與去憍矜除慢傲節情慾制貪求修禮讓習謙恭奉仁義敦孝弟課之以博施廣之以汎愛宣之以英賢拔之以儆異復何慙於鬼神乎孜孜策勵良在於斯雖未有奉遵亦意

高亮尚書

據引口說當作疏妄

不忘之今未有夜光之投而按劍已起欲相望於道德虛不多愧當繇未見此情故常信斯心耳在懷則不然每苦其不及司徒之府本五教是勸方共效斯美行以率無愆使口說詔倭望門而自珍浮偽蕩逸踐庭而變迹等彼息心之館齊此無愆之臺不亦善乎一則以仰順宸極普天之慈二則敬奉儲皇垂愛之善宵旦而警惕者正思此心無遂耳悠悠之語好自多端其云願善政言未知傷化之重儻令詭事以忠孝佞悅以仁義虛設以禮讓假枉以方直乃至一日克己天下歸仁況能句則有餘所望過矣本自開心所納正若此矯不多如其此煩未除故鄙薄深慨君正應規諫其乖開發未達云何言傷孝本語損義基於邑有懷非所望也若此事可棄則欣聞餘善又云未必勸人持戒當令善緣下發必如此而弘教者放勛須四凶革而啟聖虞舜待商均賢而德明如斯而遂美其可望乎君之此意則應廣有所折便當詰堯以土階之

全齊文卷七

竟陵王子良

十

儉嘉離宮之麗貶禹以茅茨之陋崇阿房之貴恥汲黯之正容榮祝鮀之媚色其餘節義貞信謙恭之德皆當改途而反面復何行之可修也凡聞於言必察其行視於行必求於理若理不乖而行不越者請無造於異端真殊途同歸未必孱然一貫頃亦多有與君此意同者今寄言此紙情不專一者庸心於疑妄國君普宣示之略言其懷無見髣髴翰迹易煩中不盡意比見君別更委悉也夫人心之不同猶若其貌豈其容一而等其智乎鑒有待之參差足見情靈之乖舛矣一得其志者非言談之所盡一背其途者豈游說之所翻見君雖復言而委盡而不及此處者良由彼我之見既異幸可各保其方差無須空構是非橫起諍議耳栖心人信者前良不無此志今以效善之爲樂故挫憍陵以待物君若以德越往賢聖逾前脩智超羣類位極人貴者自可逍遙世表以道化物高其懷無求自足而退於前良恐未能懸絕空秉兩塗獨異勝法

若悠悠相期本不及言意在薄爲復示斯懷耳比面別一二近聊有此釋滯兩卷想於外已當見之今送相示若已覽者付反幸無勞形目脫未視者爲可一懸意本不期他翻正是自釋疑滯耳君見之必當撫掌也並引明集十一

荅孔中丞書

君此書甚佳宜廣示諸未達者弘明集十一

與南郡太守劉景綰書

冬去因君與劉居士書今春得其返价辭趣翩翩足有才藻實子雲之筆札元瑜之書記伸復咨嗟彌用欽想此子含真抱璞比調雲霞背俗居幽寓飲林徽養志南荆可與下寶爭價韶光梵服固同隋照共明雖顏段之栖遲偃仰揚鄭之寂寞恬淡取之若人信可同日而語矣且道性天悠禪心自謐敦悅九部研味三乘在家苦薩行之而不難白衣居士即之而匪易逝將燭昏種於慧炬拯

全齊文卷七

齊書

十一

淪溺於法條扇靈孽之雷風鏡貞林之絕影僕栖尚既同情契瀾至而悠悠京苑間以江山假復神通遠邇冥交曉曙疇得寫析深襟辨明幽旨迹生滅之中談究真俗之諦義故重有別書招來畿邑居問道之次具爲敦請此蘭山桂水既足逍遙儒侶玄宗復多朋往非以一爵相加豈其旌滿爲分直闡投誠素庶必能玄了脫悠爾來儀想時加資遣也齊書卷十九有蕭子良與荊州隱士劉蚪書其篇末云王元長之詞也今編入王融集

致沙門法猷書

遠法師一代名德志節清高潛山樹美四海淪風弟子闇昧謬蒙師範方欲仰稟仁化用洗煩慮不謂此疾奄然異世悲痛之心特不可忍遠上即既業行圓通曠劫希有弟子意不欲遺形影迹雖處眾僧墓中得別卜餘地是所願也方應樹剎表奇刻石銘德矣

高僧傳

寶條七要

松既煙而接漢竹緣嶺而負筠哀過鴻於月曉悲夜後於霜昇乃鶴駕之非遠信羽車之可鄰鴻池廣象太液染華勢含五水氣鎮九河既百尋而照底亦千丈而分沙故乘流以神王或鼓地而目多豈能從我汎此安波蘇文類聚五十七

行宅詩序

余稟性端疎屬愛閑外往歲羈役浙東備歷江山之美名都勝境極盡登臨山原石道步步新情迴池絕澗往往舊識以吟以詠聊用述心

登山望雷居士精舍同沈右衛過劉先生墓下詩序

市國劉子珪學優未仕跡邇心遐履信體仁古之遺德潛舟迅景滅賞淪輝言念芳猷式懷嗟述屬舍弟隨郡有示來篇彌積久要之情益滋宿草之歎升望西山率爾爲答雖因事雷山實申悲劉

全齊文卷七

齊書

三

子云爾

淨住子序

遺教經云波羅提木叉是汝大師若住於世無異我也又云波羅提木叉住則我法住波羅提木叉滅則我法滅是故眾僧於望海再說禁戒謂之布薩外國云布薩此云淨住亦名長養亦名增進所謂淨住身口意身繫意如戒而住故曰淨住子者紹繼爲義以沙門淨身口七支不起諸惡長養增進善提善根如是修習成佛無差則能紹續三世佛種是佛之子故云淨住子廣弘明集二十子章有王融傳刻竟陵王集全載之凡三十一章今不具錄案廣弘明集一本無此序

眼銘

惟正是視玄黃匪惑非禮不觀儀形是則慎爾所觀無愆斯德

耳銘

耳銘

惟耳是聽仁愛是聞詳察巧言離辨異望無迷邪詔炫惑莫分

類聚

口銘

惟口是慎慎乎語笑三歲是戒事重周廟戒之戒之無貽厥咎

類聚

魚復侯子響

子響字雲音武帝第四子出嗣陳章王為輔國將軍南彭城

臨淮二郡太守遷右衛將軍仍出為冠軍將軍豫州刺史進號

右將軍入為散騎常侍右衛將軍永明六年還本封巴陵郡王

遷中護軍出為江州刺史遷鎮軍將軍荊州刺史有罪賜死改

姓蛸氏貶為魚復侯

臨死啟

劉寅等入齋檢仗具如前啟臣罪既山海分甘谷鉞奉敕遣胡諧

全齊文卷七

幸

之茹法亮賜重勞某等至竟無宣旨便建旗入津對城南岸築城

守臣累遣書信喚法亮渡乞白服相見其不肯羣小懼怖遂致

攻戰此臣之罪也臣此月二十五日東身投軍希還天闕停宅一

月臣自取盡可使齊代無殺子之讎臣免逆父之誅既不遂心今

便命盡臨啟哽塞知復何陳

臧妃裙帶中啟

輕妨還闕不得此苦之深惟願矜憐無使竹帛齊有反父之子父

有害子之名

隨郡王子隆

子隆字雲興武帝第八子歷荊州刺史侍中中軍大將軍為明

帝所害有集七卷

山居序

西園多士平臺盛賓駟馬之客咸在伐木之歌屢陳是用追芳昔

娛神遊千古故亦一時之盛事

全齊文卷七終

全齊文卷七

南

賜建王出身一品衛廣康等處提刑按察使司按察使兼管驛傳事務高國王毓議校

全齊文卷八

烏程嚴可均校輯

蕭景先

景先本名道先高帝從子仕宋為海陵王國上軍將軍補建陵令累遷至監朔將軍驍騎將軍武帝撫軍中軍二府司馬兼左衛將軍齊受禪遷太子左衛率封新吳縣伯出為司州刺史領義陽太守武帝卽位徵為侍中領左軍將軍兼領軍將軍轉中領軍進爵為侯領太子詹事遺母喪起為領軍將軍遷征虜將軍丹楊尹假節督司州卒贈侍中征北將軍南徐州刺史諡曰忠侯

遺言

此度疾病異於前後自省必無起理但夙荷深恩今謬充戎寄聞病每事不稱上慙慈旨便長違聖世悲哽不知所言可為作啟事

全齊文卷八

蕭景先 蕭綱

上謝至尊粗申愚心毅雖成長素關訓範貞等幼稚未有所識方以仰累聖明非殘息所能陳謝自丁荼毒以來妓妾已多分張所餘醜穢數人皆不似事可以明月佛女桂支佛兒玉女美玉上臺美滿點華奉東宮私馬有二十餘匹牛數頭可簡好者十四匹牛二頭上臺馬五匹牛一頭奉東宮大司馬司徒各奉二匹驃騎鎮軍各奉一匹應私仗器亦悉輸臺六親多未得料理可隨宜溫卹微申素意所賜宅曠大恐非殺等所居須表服竟可輸還臺劉家前宅久聞其貨可合率市之直若短少敝官乞足三處田勤作自足供衣食力少更隨宜買蠶很奴婢充使不須餘營生固旋部曲還都理應分張其久舊勞動者應料理隨宜啟聞乞恩

南齊書蕭景先傳

蕭綱字景業高帝從子封安陸侯為吳郡太守永明中歷雍州刺史卒贈王

與衛軍王儉書論庾杲之

盛府元僚實難其選庾景行汎綠水依芙蓉何其麗也

南史庾杲之傳王儉以庾杲之為衛將軍長史綱與儉書

蕭穎胄

穎胄高帝從子為祕書郎遷太子舍人永明三年襲父赤斧爵南豐伯歷竟陵王司徒外兵參軍晉熙王文學除明威將軍安陸內史遷中書郎除左將軍出為新安太守隆昌初徙南海太守行南徐州事除黃門郎遷衛尉建武中進爵為侯遷冠軍長史復為衛尉出為後軍長史廣陵太守行南兗州事進南兗州刺史和帝為荊州以爲西中郎長史南郡太守行荊州事與梁王舉義進相國左長史鎮軍將軍和帝卽位進侍中尚書令領吏部尚書行荊州刺史中興元年卒贈侍中丞相梁天監初追諡曰獻武

全齊文卷八

蕭穎胄

遺表

臣疹患數日不謂便至困篤氣息綿微待盡而已臣雖庸薄忝籍葭莩過受先朝殊常之眷循寵彌心誓生以死屬皇業中否天地分崩總率諸侯翼奉明聖賴社稷靈長大明在運故兵之所臨無思不服今四海垂平干戈行戢方希陪翠華奉法駕反東都觀舊物不幸遭疾奄辭明世懷此深恨永結泉壤竊惟皇業至重萬機甚大登之實難守之未易陛下富於春秋當遠尋祖宗創業艱難殷鑒季末顛覆厥緒思所以念始圖終康此兆庶征東大將軍臣衍元勳上德光贊天下陛下垂拱仰成則風流日化臣雖萬沒無所遺恨

蕭穎胄傳

移檄京邑

西中郎府長史都督行留諸軍事右軍將軍南郡太守南豐縣開國侯蕭穎胄司馬征虜將軍新興太守夏侯詳告京邑百官諸州

郡牧守夫運不常炎有時而陳數無恆剝否極則亨昔商邑中微彭章投袂漢室方昏虛年効節故風聲永樹下世長久者也昔我太祖高皇帝德施生民功格天地仰維形雲俯臨紫極世祖嗣興增光前業雲雨之所沾被日月之所出入莫不舉踵來王交臂納貢鬱林皆迷顛覆厥序俾我大齊之祚廟焉將墜高宗明皇帝建道德之盛軌垂仁義之至蹤紹二祖之鴻基繼三五之絕業味旦丕顯不明求衣故奇士盈朝異人輻湊若遇經緯樂之文定鼎作洛之制非雲如禮之祥白質黑章之瑞諒以則天比大無德稱焉而嗣主不綱窮肆陵暴十世畢行三風咸震喪初而無哀貌在感而有喜容酣酒嗜音罔懲其侮讒賊狂邪是與比周遂令親賢嬰荼毒之誅宰輔受煎醢之戮江僕射蕭劉領軍徐司空沈僕射曹右衛或外戚懿親或皇室令德或時宗民望或國之虎臣並勳彰中興功比周邵秉鈞贊契受遺先朝咸以名重見疑正直貽弊

全齊文卷八

蕭寶融

三

害加黨族虐及嬰孺曾無涓陽追遠之情不顧本枝殲落之痛信必見疑忠而獲罪百姓業業罔知攸暨崔慧景內逼淫刑外不堪命驛土崩之民爲免死之計倒戈回刃還指宮闕城無完守人有異圖賴蕭令君勳濟宗祚業採蒼垣四海蒙一匡之德億兆憑再造之功江夏王拘迫威強牽制巨力迹屈當時迴心可亮竟不能內恕探情顯加鴆毒蕭令自以親惟族長任實宗臣至誠苦言朝夕獻入讓醜交構漸見疏疑浸潤成災奄離怨酷用人之功以靈社稷刈人之身以騁淫濫台輔既誅姦小競用梅蟲兒茹法珍妖忽恩戾窮縱醜惡販賣主威以爲家勢營惑嗣主恣其妖虐宮女千餘裸服宣姪孽臣數十袒袒相逐帳飲闐肆之間宵遊街陌之上提挈羣豎以爲歡笑劉山陽潛受凶旨規肆狂逆天誘其衷卽就泉翦夫天生蒸民樹之以君使司牧之勿使失性豈有尊臨萬縣毒遍黔首絕親戚之恩無君臣之美功重者先誅勳高者連斃

九族內離四夷外叛封境日蹙戎馬交馳帑藏既空百姓已竭不卹不憂慢遊是好民怨於下天懲於上故熒惑歲月孽火燒宮妖水表災震蝕告診七廟貼危三才莫紀大懼我四海之命永淪于地南康殿下體自高宗天挺英懿食葉之徵著於弱年當辟之祥兆乎綺縠億兆顯顯咸思戴奉且勢居上游任也或略家國之否靈濟是當莫府身備皇宗忝荷顧託憂深責重善清時難今命冠軍將軍西中郎諮議領中直兵參軍軍主楊公則靈朔將軍領中兵參軍軍主王法度冠軍將軍諮議參軍軍主龐嗣輔國將軍諮議參軍領別駕軍主宗夬輔國將軍諮議參軍軍主樂蕩等領勳卒三萬陵波電邁逕造秣陵冠軍將軍領諮議中直兵參軍軍主蔡道恭輔國將軍中直兵參軍右軍府司馬軍主席闡文輔國將軍中直兵參軍軍主任漾之靈朔將軍中直兵參軍軍主韓孝仁靈朔將軍中直兵參軍軍主朱斌中直兵參軍軍主宗冰之建威

全齊文卷八

蕭寶融

四

將軍中直兵參軍軍主朱景舒靈朔將軍中直兵參軍軍主庾域靈遠將軍軍主庾略等被甲二萬直指建業輔國將軍軍武靈太守軍主鄧元起輔國將軍前軍將軍軍主王世興等鐵騎一萬分趨白下征虜將軍領司馬新興太守夏侯詳靈朔將軍諮議參軍軍主柳悅靈朔將軍領中兵參軍軍主劉孝慶建威將軍軍主江陵令江詮等帥組甲五萬駱驛繼發雄劍高摩則五星從流長戟遙指則雲虹變色天地爲之奇皇山淵日之崩沸莫府親貫甲冑授律中權董帥熊羆之士十有五萬征政紛雷雷動荆南靈朔將軍南康王友蕭穎達領虎旅三萬抗威後拒蕭雍州勳業益世謀猷淵肅旣痛家禍兼憤國難泣血枕戈誓雪怨酷精卒十萬已出漢川張郢州節義慷慨悉力齊奮江州邵陵王湘州張行事王司州皆遠近懸契不謀而同並勒驍猛指景風馳舟艦魚麗萬里蓋水車騎雲屯平原霧塞以同心之士伐倒戈之衆盛德之師救危亡

之國何征而不服何誅而不克哉今兵之所指惟在梅蟲兒茹法珍二人而已諸君德載累世動著先朝屬無妄之時居中否之運受迫羣豎念有危懼大軍近次當各思奮迹來赴軍門微到之日有能斬送蟲兒法珍首者封二千戶開國縣侯若迷惑凶黨敢拒命者刑茲無赦及宗族賞罰之信有如曠日江水在此余不食言南齊書蕭道成傳

王琨

琨琅邪臨沂人晉衛將軍晉孫宋永初中除郎中駙馬都尉奉朝請元嘉初為尚書僕曹郎州治中累遷左軍諮議領錄事出為宣城太守司徒從事中郎義興太守遷為北中郎長史黃門郎宣朔將軍東陽太守孝建初遷廷尉卿驃騎長史加臨淮太守轉吏部郎出為廣州刺史還為廷尉加給事中轉歷陽內史徙東中郎長史遷度支尚書出為廣陵太守泰始初遷度支尚

全齊文卷八 王琨 王琨之

五

書加光祿大夫出為冠軍將軍吳郡太守遷中領軍加太常及金紫加散騎常侍出為會稽太守元徽中遷金紫光祿本州中正加特進順帝即位進右光祿大夫齊受禪領武陵王師加侍中建元四年卒年八十四贈左光祿大夫

請以小息修襲封從兄華爵表

臣門姪不休從孫長是故右衛將軍華息少資常懷猶冀晚逢頃更昏酣業身無檢故衛將軍華忠肅奉風善及世祀而長負譽承封將傾基緒嗣小息終開立保退不乖素風如蒙孫立則存亡荷榮私祿更構南齊書王琨傳從兄華孫長襲華爵為南齊書王琨傳從兄華孫長襲華爵為

王逡之

逡之字宣約琨從子仕宋為江夏王國常侍行大司馬參軍章安令山陽王驎騎參軍兼治書御史安成國郎中吳令昇明末以著作郎兼尚書左丞齊受禪為國子博士永明中兼著作轉

通直常侍驍騎將軍出為寧朔將軍南康相大中光祿大夫加侍中

奏劾謝超宗袁象

臣聞行父盡忠無禮斯疾農夫去草見惡必耘所以振綱請良登朝著績未有尸位存私而能保其榮名者也今月九日治書侍御史臣司馬侃啟彈征北諮議參軍事謝超宗解根性昏亂率心陰放悖議爽真惡辭犯實親朋忍聞衣冠掩目輒收付廷尉法獄治罪處劾雖重文辭簡略事入主書被却還外其晚兼御史中丞臣袁象改奏白簡始粗詳備厥初隱微實象之由尋超宗植性險戾稟行兇詭豺狼野心久暴遐邇張敬兒潛圖反噬罰未塞咎而稱怨痛枉形於言貌協附姦邪疑間動烈構扇異端譏議時政行路同分有心成疾而阿昧苟容輕文略奏又彈事舊體品第不簡而實殊殊常者皆命議親奏以彰深雪況超宗罪愈四凶過窮南竹

全齊文卷八 王逡之

六

雖下輒收而文止黃案沈浮並見輕重相乖此而不糾憲綱將替家才識疎淺質幹無聞憲威昇榮因慈荷任不能克己厲情少酬恩獎撓法容非用申私惠何以糾正邦遠式明王度臣等議請以見事免象所居官解兼御史中丞輒攝曹依舊下禁止視事如故治書侍御史臣司馬侃雖承稟有由而初無疑執亦合及答請杖督五十奪勞百日令史卑微不足申盡股可奉行侃奏彈之始臣等並即經見加推糾案入主書方被却檢疏謬之雪伏追震悚南齊書王逡之傳

錫駱議

大輅殷之祭車故不登周輅之名而明堂位云大輅殷輅也注云大輅木輅也月令中央土乘大輅注云殷輅也禮器大輅繁纓一就注云大輅殷之祭天車也周禮五路玉路金路象路革路木路則周之木輅殷之大輅也周革路建大白以即戎此則戎輅也意

謂國之大事在祀與戎故錫以殷祭天之車與周之師戎之路祀則以殷戎必以周者明郊天義遠建前代之禮即戎事近故以今世之制明聖位云魯君孟春乘大輅載十有二旒日月之章祀帝于郊天子以大輅以錫諸侯良有以也今木路即大路也齊書明帝紀并明三年魯齊王大輅戎輅各一乘黃五輅無大輅戎輅左承王後之議

王珪之

珪之遂之從弟建元中爲祠部郎中累遷至長水校尉有齊職儀五十卷

喪遇閏議

喪以閏施功衰以下小祥值閏則略而不言今雖屢祥名猶存異於餘服計月爲數屈追慕之心以遠爲邇日既餘分月非正朔含而全制於情唯允僕射僉議理據詳博謹所附同今司徒淵始雖疑難再經往反未同僉議依舊八座丞郎通共傳議爲允以來五

全齊文卷八

王珪之

七

月晦小祥其祥禱自依常限奏御班下內外南齊書禮志下建元三年祠部郎中王珪通典一百

王顯

顯珪之子永明中爲中軍參軍

上父珪之齊職儀啟

臣亡父故長水校尉珪之籍素爲基依儒習性以宋元徽二年被敕使纂集古設官歷代分職凡在墳策必盡詳究是以等級掌司咸加編錄黜陟遷補該研記述章服之差兼冠佩之飾屬值啟運軌度惟新故太宰臣淵奉宣敕旨使速洗正刊定未畢臣私門凶禍不揆庸微謹冒啟上凡五十卷謂之齊職儀仰希永升天關長銘祕府南齊書王顯之傳

王僧虔

僧虔宋左光祿大夫曇首次子元嘉中除祕書郎太子舍人累

遷至尚書令齊受禪轉侍中撫軍將軍丹楊尹授左光祿大夫出爲征南將軍湘州刺史武帝卽位授侍中左光祿大夫永明三年卒贈司空諡曰簡穆

書賦

情憑虛而測有思沿想而圖空心經於則目像其容手以心麾毫以手從風搖擺擬妍嬋深功爾其謀明敏婉婉綢繆將摘文篋縛託韻笙簧儀春等愛麗景依光沈若雲鬱輕若蟬揚獨必昂萃約寶箕張垂端整曲裁邪製方或具美於片巧或雙效於兩傷形縣靡而多態氣陵厲其如芒故其委貌也必妍獻體也貴壯跡乘規而騁勢志循檢而懷放誠文類聚七十四

樂表

全齊文卷八

王僧虔

八

觀樂知風是則音不妄起曲豈徒奏哥倡既設依戚已微清濁是均山琴自應斯乃天地之靈和升降之明節今帝道四達禮樂交通誠非景陋所敢裁酌伏以三古缺闕六代潛響舞詠與日月偕淫精靈與風雲俱滅追餘操而長懷撫遺器而太息此則然矣夫鐘縣之器以雅爲用凱容之制八份爲體故羽籥簫拊以相諧應李氏獲誚將在於此今總章舊份二八之流桂服既殊曲律亦異推今校古皎然可知又哥鐘一肆克諸女樂以哥爲稱非雅器也大明中卽以宮縣合和輶輶節數雖會慮乖雅體將來知音或議聖世若謂鐘舞已諧不欲廢罷別立哥鐘以調羽份止於別宴不關朝享四縣所奏謹依雅則斯則舊樂前典不墜於地臣昔已制哥磬猶在樂官具以副鐘配成一部卽義沿理如或可安又今之清商實猶銅雀魏氏三祖風流可懷京洛相高江左彌重諒以金縣干戚事絕於斯而情變聽改稍復零落十數年間亡者將半自